



REPUBLIKA E SHQIPËRISË
MINISTRIA E DREJTËSISË
SHËRBIMI I PROVËS
DREJTORIA E PËRGJITHSHME

R A P O R T
PËR MUAJIN SHTATOR 2011

PËRMBAJTJA

Lënda	Faqe
I. Statistika	
-Numri i të dënuarve me dënime alternative të dhëna nga gjykatat për muajin Shtator 2011 .	(1)
- Numri total i të dënuarve me dënime alternative të dhëna nga gjykatat për secilin lloj dënimi alternativ.	(2-3)
- Numri total i të dënuarve me dënime alternative që ndodhen aktualisht nën mbikëqyrjen e Shërbimit të Provës (datë 30.09.2011).	(4)
- Numri mesatar i të dënuarve me dënime alternative që mbikëqyren nga një punonjës i Shërbimit të Provës në nivel vendi dhe zyre vendore	(6)
-Raportet e Vlerësimit me kërkesë të gjykatës dhe prokurorisë.	(7)
II. Bashkëpunimi me partnerët	
-me OJF-të dhe partnerët.	(8)
-me organet e pushtetit qendror dhe pushtetin vendor	(9)
III. Problematika e punës.	
- Zyrat e reja Vendore dhe ngarkesa.	(10)

I nderuar Zoti Ministër,

Mbështetur në nenin 9, gërma gj), të VKM nr. 302, datë 25.03.2009 "Për miratimin e Rregullores "Për organizimin e funksionimin e Shërbimit të Provës dhe për përcaktimin e standardeve dhe procedurave për mbikëqyrjen e ekzekutimit të dënimeve alternative", po Ju paraqesim raportin e veprimtarisë së Shërbimit të Provës për muajin Shtator 2011.

I. Statistika

Për periudhën 01-30 Shtator 2011, volumi i punës së kryer nga Shërbimi i Provës ka qenë i madh, duke marrë parasysh faktin që numri i specialistëve të Zyrave Vendore të Shërbimit të Provës është i njëjti, ndërsa numri i të dënuarve me dënime alternative që këta specialistë mbikëqyrin, si dhe kërkesat nga gjykatat dhe prokuroritë për raporte vlerësimi janë në rritje të vazhdueshme. Disa nga statistikat dhe paraqitjet që pasqyrojnë punën që ka kryer e po kryen institucioni do të jepen me anë të të dhënave si më poshtë:

Për periudhën 01- 30 Shtator 2011, statistikat rezultojnë si më poshtë:

1. Numri i të dënuarve me dënime alternative të dhëna nga gjykatat për muajin Shtator 2011 .

Në muajin Shtator, nga data 01-30.09.2011, kanë ardhur pranë Zyrave Vendore 128 Urdhëra Ekzekutimi nga Prokuroria, që do të thotë se do të mbikëqyren nga Shërbimi i Provës edhe 128 të dënuar më shumë. Gjatë këtij muaji kanë përfunduar dënimin alternativ 73 të dënuar. Këto të dhëna jepen më poshtë sipas Tabelës 1.

Tabela 1. Të dënuarit shtesë në mbikëqyrje nga Shërbimi i Provës për muajin Shtator 2011 (01-30.09.2011).

Nr	LLOJI I DËNIMEVE ALTERNATIVE	SHTOHEN	PËRFUNDUAN	TOTALI
1	Pezullimi ... neni 59 i KP	92	42	50
2	Qëndrimi në shtëpi neni 59/a i KP	6	1	5
3	Lirimi me kusht neni 64 i KP	12	4	8
4	Punë në interes publik neni 63 i KP	18	26	-8
5	Gjysmëliria neni 58 i KP	0	0	0
TOTALI		128	73	55

Duke ju referuar statistikave, gjatë muajit Shtator 2011 janë shtuar për mbikëqyrje 128 të dënuar dhe kanë përfunduar periudhën e mbikëqyrjes 73 të dënuar. Nga kjo del se rritja e ngarkesës për periudhën 01-30 Shtator 2011 është 55 të dënuar vetëm për mbikëqyrje.

Për periudhën 01 Qershor 2009 - 30 Shtator 2011, statistikat rezultojnë si më poshtë:

2. *Numri total i të dënuarve me dënime alternative të dhëna nga gjykatat për secilin lloj dënimi alternativ.*

Numri total i të dënuarve me dënime alternative që janë mbikëqyrur nga Shërbimi i Provës në të gjithë vendin, për periudhën, nga data **01.06.2009** deri më datë **30.09.2011**, është **4111** të dënuar. Nga këta, **66** të dënuar janë shtetas të huaj dhe me vendbanim jashtë territorit të Republikës së Shqipërisë për të cilët Shërbimi i Provës zbaton rregullat e "Konventës Europiane për mbikëqyrjen e personave të dënuar ose të liruar me kusht", duke bashkëpunuar me Ministrinë e Drejtësisë.

Nga 01.06.2009 - 30.09.2011, kanë përfunduar periudhën e provës nën mbikëqyrjen e Shërbimit të Provës **671** të dënuar, pra ka përfunduar me sukses procesi i mbikëqyrjes për ta.

Statistikat për periudhën **01.06.2009 - 30.09.2011**, për secilin lloj dënimi alternativ, për të dënuarit e mbikëqyrur nga Shërbimi i Provës, janë si më poshtë:

- **3217** persona janë dënuar nga gjykata duke u aplikuar neni 59 i KP "pezullim i ekzekutimit të vendimit me burgim dhe vënia në provë", shifër kjo e barabartë me **78.25 %** të të gjithë të dënuarve me dënime alternative.
- **92** persona janë dënuar nga gjykata duke u aplikuar neni 59/a i KP "qëndrim në shtëpi", shifër kjo e barabartë me **2.24 %** të të gjithë të dënuarve me dënime alternative.
- **425** persona janë dënuar nga gjykata duke u aplikuar neni 64 i KP "Lirim me kusht", shifër kjo e barabartë me **10.34 %** të të gjithë të dënuarve me dënime alternative.
- **376** persona janë dënuar nga gjykata duke u aplikuar neni 63 i KP "Pezullim i ekzekutimit të vendimit me burgim dhe detyrimi për kryerjen e një pune në interes publik", shifër kjo e barabartë me **9.15 %** të të gjithë të dënuarve me dënime alternative.

- 1 person është dënuar nga gjykata duke aplikuar nenin 58 të KP "gjysmëliria", shifër kjo e barabartë me 0.02 % të të gjithë të dënuarve me dënime alternative.

Këto të dhëna pasqyrohen më poshtë, në Tabelën 2.

Tabela 2: Numri i të dënuarëve sipas llojeve të dënimeve alternative të dhëna nga Gjykata për periudhën 01.06.2009 – 30.09.2011.

Nr	LLOJI I DËNIMEVE ALTERNATIVE	Nr. TOTAL	TOTALI në %
1	Pezullimi ... neni 59 i KP	3217	78.25%
2	Qëndrimi në shtëpi neni 59/a i KP	92	2.24%
3	Lirimi me kusht neni 64 i KP	425	10.34%
4	Punë në interes publik neni 63 i KP	376	9.15%
5	Gjysmëliria neni 58 i KP	1	0.02%
TOTALI		4111	100%

Për periudhën 01.06.2009 – 30.09.2011 numri i të dënuarve me "punë në interes publik" është 376, ndërsa pas përfundimit të këtij dënimi për 284 të dënuar, Shërbimi i Provës ka nën mbikëqyrje 92 të dënuar.

3. Numri total i të dënuarve me dënime alternative që ndodhen aktualisht nën mbikëqyrjen e Shërbimit të Provës (datë 30.09.2011).

Numri total i të dënuarve që ndodhen aktualisht nën mbikëqyrjen e Shërbimit të Provës (duke zbritur numrin e atyre që kanë përfunduar dënimin alternativ) është **3513 të dënuar**.

I ndarë sipas llojeve të dënimeve alternative, ky numër jepet në Tabelën 3.

Tabela 3. Të dënuarët që janë aktualisht nën mbikëqyrjen e Shërbimit të Provës (datë 30.09.2011).

Nr	LLOJI I DËNIMEVE ALTERNATIVE	Nr. TOTAL	TOTALI në %
1	Pezullimi ... neni 59 i KP	2909	84.56%
2	Qëndrimi në shtëpi neni 59/a i KP	45	1.31%
3	Lirimi me kusht neni 64 i KP	394	11.45%
4	Punë në interes publik neni 63 i KP	92	2.68%
5	Gjysmëliria neni 58 i KP	0	0 %
TOTALI		3440	100%

I ndarë sipas Zyrave Vendore (duke llogaritur dhe të dënuarit që kanë përfunduar dënimin alternativ):

- Në territorin që shtrin kompetencat Zyra Vendore Tiranë mbikëqyren në komunitet nga Shërbimi i Provës **1352** të dënuar me dënime alternative.
- Në territorin që shtrin kompetencat Zyra Vendore Durrës mbikëqyren në komunitet nga Shërbimi i Provës **384** të dënuar me dënime alternative.
- Në territorin që shtrin kompetencat Zyra Vendore Fier mbikëqyren në komunitet nga Shërbimi i Provës **486** të dënuar me dënime alternative.
- Në territorin që shtrin kompetencat Zyra Vendore Shkodër mbikëqyren në komunitet nga Shërbimi i Provës **558** të dënuar me dënime alternative.
- Në territorin që shtrin kompetencat Zyra Vendore Lezhë mbikëqyren në komunitet nga Shërbimi i Provës **220** të dënuar me dënime alternative.
- Në territorin që shtrin kompetencat Zyra Vendore Elbasan mbikëqyren në komunitet nga Shërbimi i Provës **180** të dënuar me dënime alternative.

- Në territorin që shtrin kompetencat Zyra Vendore Korçë mbikëqyren në komunitet nga Shërbimi i Provës 185 të dënuar me dënime alternative.
- Në territorin që shtrin kompetencat Zyra Vendore Gjirokastrë mbikëqyren në komunitet nga Shërbimi i Provës 75 të dënuar me dënime alternative.

4. Numri mesatar i të dënuarve me dënime alternative që mbikëqyren nga një punonjës i Shërbimit të Provës në nivel vendi dhe zyre vendore.

Sa më sipër duke ju referuar numrit total të të dënuarve me dënime alternative që mbikëqyren nga Shërbimi i Provës prej 3440 të dënuarish, numri mesatar i të dënuarve që mbikëqyren nga një punonjës në nivel vendi aktualisht është 115. E shprehur kjo për çdo zyrë vendore është si më poshtë:

- Zyra Vendore Tiranë ka nën mbikëqyrje 135 të dënuar për çdo punonjës.
- Zyra Vendore Durrës ka nën mbikëqyrje 128 të dënuar për çdo punonjës.
- Zyra Vendore Fier ka nën mbikëqyrje 81 të dënuar për çdo punonjës.
- Zyra Vendore Shkodër ka nën mbikëqyrje 186 të dënuar për çdo punonjës.
- Zyra Vendore Lezhë ka nën mbikëqyrje 73 të dënuar për çdo punonjës.
- Zyra Vendore Elbasan ka nën mbikëqyrje 90 të dënuar për çdo punonjës.
- Zyra Vendore Korçë ka nën mbikëqyrje 93 të dënuar për çdo punonjës.
- Zyra Vendore Gjirokastrë ka nën mbikëqyrje 75 të dënuar për çdo punonjës.

4. Raportet e Vlerësimit me kërkesë të gjykatës dhe prokurorisë.

Konkretisht për periudhën **01-30 Shtator 2011:**

- ❖ Janë kërkuar nga gjykatat **59** raporte vlerësimi për persona të pandehur dhe të dënuar,
- ❖ Janë kërkuar nga prokuroritë **12** raporte vlerësimi për persona nën hetim dhe të pandehur,
- ❖ Kanë ardhur **128** urdhëra ekzekutimi nga prokuroritë e rretheve gjyqësore, nga të cilët **16** urdhëra ekzekutimi janë për dënime alternative të dhëna për të mitur, për të cilët gjykata ka dhënë dënime alternative dhe kanë filluar procedurat ligjore të përcaktuara për procesin e mbikëqyrjes për ta.
- ❖ Ka përfunduar mbikëqyrja për **73** të dënuar me dënime alternative.

Ndërsa në total volumi i punës së Shërbimit të Provës për periudhën **01.06.2009 – 30.09.2011** jepet si më poshtë:

- ❖ janë kërkuar nga gjykata **1560** raporte vlerësimi për persona të pandehur dhe të dënuar,
- ❖ janë kërkuar nga prokuroritë **781** raporte vlerësimi për persona nën hetim dhe të pandehur,
- ❖ Kanë ardhur **4111** urdhëra ekzekutimi nga prokuroritë e rretheve gjyqësore, nga të cilët **639** urdhëra ekzekutimi janë për dënime alternative të dhëna për të mitur dhe **66** urdhëra ekzekutimi janë për shtetas të huaj dhe me vendbanim jashtë territorit të Republikës së Shqipërisë, për të cilët gjykata ka dhënë dënime alternative dhe kanë filluar procedurat ligjore të përcaktuara për procesin e mbikëqyrjes për ta.
- ❖ Ka përfunduar procesi i mbikëqyrjes për **671** të dënuar.

II. Bashkëpunimi me partnerët.

- *me OJF-të dhe partnerët.*

- Gjatë muajit Shtator 2011 ka vazhduar normalisht bashkëpunimi i Zyrave Vendore me OJF-të, sipas Marrëveshjeve që kemi lidhur me to, për trajtimin e rasteve të mbikëqyrjes për të dënuarit me dënime alternative.
- Më datë 8 Shtator 2011, në qytetin e Lezhës, në bashkëpunim me Fondacionin "Zgjidhja e Konfliktëve dhe Pajtimi i Mosmarrëveshjeve" u realizua një tryezë e rrumbullakët me temë "Drejtësia Restauruese dhe Ndërmjetësimi - forma alternative për zgjidhjen e konfliktëve penale". Në këtë takim morën pjesë, Drejtori i Përgjithshëm i Shërbimit të Provës, Z.Arben Sefgjini, Drejtori Ekzekutiv i FZK, Z. Rasim Gjoka, punonjësit e ZVSHP Lezhë, si dhe rreth 30 të dënuar të grupmoshës 14-21 vjeç, të cilët mbikëqyren nga kjo zyrë vendore.

Në këtë takim nga Drejtori i Përgjithshëm i Shërbimit të Provës, u referua "Mbi bashkëpunimin midis Shërbimit të Provës dhe Shërbimit të Ndërmjetësimit në bazë të Rregullores, për zbatimin e drejtësisë restauruese dhe ofrimin e shërbimit të ndërmjetësimit veçanërisht për të miturit". Gjithashtu nga Drejtori i FZK, u trajtua tema "Mbi shërbimin e ndërmjetësimit dhe drejtësinë restauruese, si dhe mundësitë e zbatimit praktik të ndërmjetësimit dhe vlerat pozitive që mbart ai, si dhe rastet kur mund të ofrohet shërbimi i ndërmjetësimit parashikuar në ligjin e ri dt. 24.02.2011 "Për ndërmjetësimin në zgjidhjen e mosmarrëveshjeve".

Në fund të takimit pati pyetje dhe diskutime me pjesëmarrësit për mundësitë që ekzistojnë për ofrimin e shërbimit të ndërmjetësimit dhe drejtësisë restauruese.

Një aktivitet i ngjashëm në bashkëpunim me FZK, u zhvillua më datë 28 shtator 2011 në sallën e Hotel Skampa Internacional, Elbasan, ku merrnin pjesë rreth 25 të dënuar që mbikëqyren nga ZVSHP Elbasan, nga moshat 14-21 vjeç.

Këto aktivitete u zhvilluan me mbështetjen e UNICEF, në kuadër të projektit: "Forcimi i bashkëpunimit institucional për zbatimin e drejtësisë restauruese dhe ndërmjetësimit për të miturit".

Aktivitete të tjera në këtë kuadër, janë planifikuar të zhvillohen gjatë muajit tetor 2011, në bashkëpunim me zyrat vendore Korçë dhe Gjirokastrë.

- Gjatë muajit Shtator 2011, Shërbimi i Provës ka vazhduar bashkëpunimin me Qendrën e Shërbimeve Ligjore dhe Praktikave të Integruara (QSHPLI), nëpërmjet Zyrave Vendore dhe degëve të kësaj qendre, me qëllim koordinimin e shërbimeve në lidhje me zbatimin e dënimeve alternative për të miturit, të cilët përfitojnë nga ky program.

Gjatë ketij muaji stafi i QSHPLI ka ofruar shërbime për të miturit e referuar nga Shërbimi i Provës për zbatimin e dënimit alternativ me "Punë në interes publik" në përputhje me memorandumin e bashkëpunimit të nënshkruar midis nesh. Gjithashtu kjo qendër ka trajtuar edhe rastet për të miturit me dënim plotësues "Kryerjen e një kursi profesional" pranë qendrave Don Bosko, YAPS, si dhe atyre të Formimit Profesional në rrethe. Në aktivitetin e vet kjo qendër kryen edhe shërbim psikologjik me familjarët e të dënuarve të mitur. Një fokus me rëndësi i punës së psikologëve kanë qënë seancat me të miturit që shfaqin probleme në zbatimin e dënimit. Në këtë proces janë ndeshur vështirësi për faktin se një pjesë e këtyre të miturve shfaqin prirje për sjellje antisociale, refuzim për bashkëpunim, probleme të komunikimit, tendencë për sfiduar normat dhe rregullat, si dhe figurat autoritare. Si këta të mitur, ashtu edhe familjarët e tyre, nuk paraqiten në takimet e caktuara dhe shfaqin sjellje neglizhente, manipulative dhe sfiduese ndaj detyrimeve të përcaktuara nga Gjykata. Në këto kushte, pas kryerjes së të gjitha përpjekjeve të mundshme nga të dy palët (Shërbimi i Provës dhe QSHPLI), ku përfshihen seanca të shumta të këshillimit psikologjik, thirrje të vazhdueshme për paraqitje, takime për paralajmërim dhe ndërgjegjësim të këtyre të miturve dhe familjeve të tyre për pasojat e këtyre sjelljeve, Shërbimi i Provës ka hartuar raporte mospërmbushjeje për këta të mitur drejtuar Prokurorisë.

- Në muajin shtator ka vazhduar implementimi i Projektit të Binjakëzimit me Mbretërinë e Bashkuar, sipas planit të aktiviteteve të përcaktuar për këtë projekt.

Në datat 29 Gusht - 02 Shtator 2011, në ambientet pranë DPSHP është zhvilluar një trajnim me temë "Regjistrimi i çështjeve dhe mbledhja e të dhënave", ku morën pjesë 4 punonjës të zyrave vendore dhe 4 punonjës të Drejtorisë së Përgjithshme të Shërbimit të Provës. Ky trajnim ishte aktiviteti i parë, i zhvilluar në kuadër të Komponentit 2. Trajnimi u krye nga dy eksperte britanike, Znj. Sally Lester dhe Znj. Imogen Brown me eksperiencë në këtë fushë.

Gjithashtu pranë Drejtorisë së Përgjithshme të Shërbimit të Provës, në datat 19-23 Shtator 2011 u zhvillua një trajnim tjetër me temë "Strategjia e

Marrëdhënieve me publikun". Ky trajnim është aktiviteti i parë, i zhvilluar në kuadër të komponentit 5 dhe në të marrën pjesë 6 punonjës nga Drejtoria e Përgjithshme e Shërbimit të Provës. Ky trajnim u zhvillua nga dy ekspertë britanikë me përvojë në këtë fushë, Z. George Barrow dhe Z. Darryn Frost.

- Për sa i përket bashkëpunimit me Policinë e Shtetit theksojmë se ky bashkëpunim ndërmjet Zyrave Vendore me Komisaritet dhe Drejtoritë e Policisë në qarqe, ka qenë mjaft i mirë dhe frytdhënës, sidomos për gjetjen dhe njoftimin e personave për të cilët nuk ka pasur adresa të sakta, në urdhërat e ekzekutimit të prokurorive.
- Një bashkëpunim të mirë kemi pasur edhe me gjykatat dhe prokuroritë me gjithë problemet e hasura gjatë punës sonë me këto institucione.
- Po ashtu me pushtetin vendor, ka vazhduar bashkëpunimi i mirë i Zyrave Vendore me ato komuna dhe bashki me të cilat janë lidhur Memorandumet e bashkëpunimit.

Ndërkohë që vazhdon puna dhe korrespondenca për nënshkrimin e memorandumeve të bashkëpunimit edhe me bashkitë dhe komunat e tjera.

III.-Problematika e punës.

- *Zyrat e reja Vendore dhe ngarkesa.*

Sikurse Ju kemi bërë me dije dhe në kërkesë-propozimin tonë të fundit me nr. 1655/1, datë 04.08.2011, për ndryshimin e strukturës dhe organikës së Shërbimit të Provës, (në ripërsëritje të shkresës me nr. 88 Prot., datë 13.01.2011), si dhe në Raportin Vjetor mbi aktivitetin e Shërbimit të Provës, për periudhën 1 janar – 31 dhjetor 2010, dërguar me tonën nr. 378, datë 28.02.2011, problemi kryesor del hapja e zyrave të reja vendore me vendodhje në të gjitha rrethet gjyqësore ku nuk janë ngritur ende, si dhe ndryshimi i strukturës dhe shtimi i organikës së Shërbimit të Provës, me qëllim administrimin dhe ushtrimin e funksioneve në mënyrën e kërkuar nga ligji dhe arritjen e standardeve të parashikuara në Strategjinë Sektoriale të Drejtësisë dhe SKZHI-së, për Shërbimin e Provës, ku një nga indikatorët është dhe raporti i numrit të dënuarve që mbikëqyren

mesatarisht për një specialist të Shërbimit të Provës, përkatësisht 35-40 të dënuar /specialist.

Jemi në pritje të hapjes së 4 Zyrave të reja Vendore me vendndodhje në Kukës, Mat, Berat dhe Vlorë, të cilat sipas parashikimeve në Plan-veprimet për Shërbimin e Provës dhe raportimeve në dokumentat strategjike për institucionet e BE-së, këto zyra duhej të hapeshin brenda muajit Shtator.

Mjafton të përmendim se deri tani janë në mbikëqyrje nga institucioni ynë **3440** të dënuar, ose mesatarisht **115 të dënuar për çdo specialist**, numër i cili vazhdon të rritet, dhe që është shumë më i lartë se standartet e vendeve të BE, pa shtuar këtu faktin se punonjësit tanë deri më tani kanë hartuar mesatarisht edhe **78 raporte vlerësimi për specialist**, sipas kërkesave të gjykatave dhe prokurorive, gjë që e bën të papërballueshme ngarkesën e punës.

Duke shpresuar se kemi dhënë një analizë që pasqyron me objektivitet punën e kryer, si dhe një paraqitje të problematikës themelore nga Shërbimi i Provës, Ju sigurojmë se zbatimi i të gjithë detyrave funksionale, rritja e nivelit dhe e profesionalizmit do të jenë prioritete të punës sonë edhe në të ardhmen.

Me respekt,

DREJTORI I PËRGJITHSHËM

ARBEN SEFGJINI

